

# Agenda – Y Cyfarfod Llawn

---

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 20 Mawrth 2019

Amser y cyfarfod: 13.30

## 198(v4)

---

### 1 Cwestiynau i Weinidog yr Economi a Thrafnidiaeth

(45 munud)

Bydd y Llywydd yn galw ar lefarwyr y pleidiau i ofyn cwestiynau heb rybudd ar ôl cwestiwn 2.

[Gweld y Cwestiynau](#)

### 2 Cwestiynau i'r Cwnsler Cyffredinol a'r Gweinidog Brexit (yn rhinwedd ei gyfrifoldebau fel Gweinidog Brexit)

(45 munud)

Bydd y Llywydd yn galw ar lefarwyr y pleidiau i ofyn cwestiynau heb rybudd ar ôl cwestiwn 2.

[Gweld y Cwestiynau](#)

### 3 Cwestiynau Amserol

(20 munud)

**Gofyn i Weinidog yr Economi a Thrafnidiaeth**

**Joyce Watson (Canolbarth a Gorllewin Cymru):** A wnaiff y Gweinidog ddatganiad am effaith cwmp y cwmni adeiladu Dawnus, sydd wedi mynd i ddwylo'r gweinyddwyr?

**Gofyn i Ddirprwy Weinidog yr Economi a Thrafnidiaeth**



Cynulliad  
Cenedlaethol  
Cymru

National  
Assembly for  
Wales

**Suzy Davies (Gorllewin De Cymru):** A wnaiff y Gweinidog ddarparu'r wybodaeth ddiweddaraf am Fargen Ddinesig Bae Abertawe, yn dilyn cyhoeddi adolygiad annibynnol Bargen Ddinesig Bae Abertawe?

#### **4 Datganiadau 90 Eiliad**

(5 munud)

#### **Cynnig i ethol Aelod i bwyllgor (5 munud)**

##### **NDM7017 [Elin Jones \(Ceredigion\)](#)**

Cynnig bod Cynulliad Cenedlaethol Cymru, yn unol â Rheolau Sefydlog 17.3 a 17.13(ii), yn ethol Janet Finch–Saunders (Ceidwadwyr Cymreig) yn aelod o'r Pwyllgor Craffu ar Waith y Prif Weinidog yn lle David Rowlands (Plaid Annibyniaeth y Deyrnas Unedig).

#### **5 Dadl: Cyfnod 4 y Bil Ombwdsmon Gwasanaethau Cyhoeddus (Cymru)**

(15 munud)

##### **NDM7003 – [Llyr Gruffydd \(Gogledd Cymru\)](#)**

Cynnig bod Cynulliad Cenedlaethol Cymru, yn unol â Rheol Sefydlog 26.47:

Yn cymeradwyo'r Bil Ombwdsmon Gwasanaethau Cyhoeddus (Cymru).

['Bil Ombwdsman Gwasanaethau Cyhoeddus \(Cymru\)'](#)

**Dogfen Ategol**

[Datganiad y Llywydd](#)

#### **6 Dadl ar adroddiad Pwyllgor yr Economi, Seilwaith a Sgiliau: Diweddariad ar y Cynllun Gweithredu Ffonau Symudol**

(60 munud)

##### **NDM6998 [Russell George \(Sir Drefaldwyn\)](#)**

Cynnig bod Cynulliad Cenedlaethol Cymru:

Yn nodi adroddiad Pwyllgor yr Economi, Seilwaith a Sgiliau ar ei Ymchwiliad: Diweddariad ar y Cynllun Gweithredu Ffonau Symudol, a [osodwyd](#) yn y Swyddfa Gyflwyno ar 24 Ionawr 2019.

Nodyn: [Gosodwyd](#) yr ymateb gan Lywodraeth Cymru ar 13 Mawrth 2019.

## **7 Dadl ar adroddiad y Pwyllgor Plant, Pobl Ifanc ac Addysg: Gradd ar Wahân? Effaith Brexit ar Addysg Uwch ac Addysg Bellach**

(60 munud)

**NDM6996 [Lynne Neagle \(Torfaen\)](#)**

Cynnig bod Cynulliad Cenedlaethol Cymru:

Yn nodi Adroddiad y Pwyllgor Plant, Pobl Ifanc ac Addysg – Gradd ar Wahân? Effaith Brexit ar Addysg Uwch ac Addysg Bellach, a [osodwyd](#) yn y Swyddfa Gyflwyno ar 4 Rhagfyr 2018.

Nodyn: [Gosodwyd](#) ymateb Llywodraeth Cymru ar 1 Chwefror 2019.

## **8 Dadl Plaid Cymru – Y Cwrdaid yn Nhwrci**

(30 munud)

**NDM6999 [Rhun ap Iorwerth \(Ynys Môn\)](#)**

Cynnig bod Cynulliad Cenedlaethol Cymru:

1. Yn nodi, er bod materion tramor yn fater a gedwir i Lywodraeth a Senedd y DU ar hyn o bryd, mae adran 62 o Ddeddf Llywodraeth Cymru 2006 yn darparu: "The Welsh Ministers, the First Minister and the Counsel General may make appropriate representations about any matter affecting Wales".

2. Yn cydnabod y gymuned Cwrdaidd sylweddol yng Nghymru.

3. Yn nodi bod preswlydd o Gymru – Imam Sis, dyn Cwraidd ifanc – ar streic newyn amhenodol, ddigyfaddawd o 17 Rhagfyr 2018, a ddechreuwyd i brotestio yn erbyn ynysu'r arweinydd Cwrdaidd Abdullah Öcalan sydd wedi'i garcharu gan Dwrci ers 1999 o dan amodau sydd, yn ôl pob deall, yn mynd yn groes i rwymedigaethau cyfreithiol gwladwriaeth Twrci mewn perthynas â hawliau dynol.

4. Yn nodi bod streiciau newyn yn digwydd ledled Ewrop a'r byd, gan gynnwys gan Leyla Güven, aelod etholedig o Senedd Twrci.

5. Yn nodi bod Twrci yn un o lofnodwyr sawl cytuniad hawliau dynol rhyngwladol, gan gynnwys y Confensiwn Ewropeaidd ar Hawliau Dynol fel aelod o Gyngor Ewrop.
6. Yn mynegi ei bryder ynghylch y rhesymau dros y streiciau newyn.
7. Yn cydnabod mai nod y streiciau newyn yn y pen draw yw gweld ateb heddychlon, gwleidyddol i'r cwestiwn Cwrdaidd yn Nhwrci.
8. Yn cadarnhau pwysigrwydd cynnal rhwymedigaethau hawliau dynol yn Nhwrci.
9. Yn galw ar Lywodraeth Cymru, ar ran Cynulliad Cenedlaethol Cymru, i ysgrifennu at y Pwyllgor i Atal Artaith a Thriniaeth Annynol neu Ddiraddiol neu Gosb yn galw ar y Pwyllgor i ymweld â Charchar Imrali i asesu amodau Abdullah Öcalan.

[Deddf Llywodraeth Cymru 2006](#) (Saesneg yn unig)

**Cyflwynwyd y gwelliannau a ganlyn:**

**Gwelliant 1 – [Darren Millar \(Gorllewin Clwyd\)](#)**

Ym mhwynt 3, dileu 'ynysu'r arweinydd Cwrdaidd' a rhoi yn ei le 'ynysu arweinydd Cwrdaidd y PKK (Plaid Gweithwyr Cwrddistan)'.

**Gwelliant 2 – [Darren Millar \(Gorllewin Clwyd\)](#)**

Ychwanegu pwyntiau newydd ar ôl pwynt 3 ac ailrifo yn unol â hynny:

Yn nodi bod y PKK yn sefydliad terfysgol a waharddwyd yn y DU, yr Undeb Ewropeaidd, ac Unol Daleithiau America.

Yn condemnio pob gweithred derfysgol a gyflawnir gan y PKK ac yn cydnabod y dioddefwyr a'r sifiliaid a laddwyd ac a gafodd eu dal yn eu hmosodiadau.

Yn cydnabod hawl Twrci i amddiffyn ei hun rhag ymosodiadau terfysgol gan y PKK.

**Gwelliant 3 – [Darren Millar \(Gorllewin Clwyd\)](#)**

Dileu pwynt 7 a rhoi yn ei le:

Yn cydnabod mai nod o streicwyr newyn yw galluogi Abdullah Öcalan i gael gafael ar gynrychiolaeth gyfreithiol a chysylltu â'i deulu.

#### **Gwelliant 4 – [Darren Millar \(Gorllewin Clwyd\)](#)**

Ychwanegu pwynt newydd ar ôl pwynt 8 ac ailrifo'n unol â hynny:

Yn nodi fod Ysgrifennydd Tramor Llywodraeth y DU a Llysgennad EM â Thwrci wedi pwysleisio wrth Lywodraeth Twrci yr angen i barchu hawliau dynol, osgoi anafu sifiliaid a dychwelyd at y broses heddwch.

#### **Gwelliant 5 – [Darren Millar \(Gorllewin Clwyd\)](#)**

Ychwanegu pwynt newydd ar ddiwedd y cynnig:

Yy galw ar y PKK i roi'r gorau i derfysgaeth fel modd o hybu ei amcanion a dychwelyd at y broses heddwch.

### **9 Dadl Plaid Cymru – Yr ymgyrch menywod yn erbyn anghydraddoldeb pensiwn y wladwriaeth**

(30 munud)

#### **NDM7000 [Rhun ap Iorwerth \(Ynys Môn\)](#)**

Cynnig bod Cynulliad Cenedlaethol Cymru:

1. Yn cydnabod ymgyrch barhaus menywod yn erbyn anghydraddoldeb pensiwn y wladwriaeth;
2. Yn galw ar Lywodraeth y DU i wneud trefniadau pensiwn gwladol trosiannol teg i bob menyw a anwyd ar neu ar ôl 6 Ebrill 1951, sydd wedi gorfod ysgwyddo baich y cynnydd yn annheg, o ran oedran pensiwn y wladwriaeth (SPA) gyda diffyg hysbysiad priodol.
3. Yn galw ar Lywodraeth Cymru i gyflwyno sylwadau i Lywodraeth y DU i gefnogi'r ymgyrch WASPI.
4. Yn galw ar y Cwnsler Cyffredinol i ystyried pa gamau y gallai Llywodraeth Cymru eu cymryd mewn perthynas â'r ymgyfreitha disgwylidig yn erbyn yr Adran Gwaith a Phensiynau am y camdrafod honedig o godi oedran pensiwn y wladwriaeth i fenywod a aned yn y 1950au.

**Cefnogwr**

**[David Rowlands \(Dwyrain De Cymru\)](#)**

**Cyflwynwyd y gwelliannau a ganlyn:**

## **Gwelliant 1 – [Darren Millar \(Gorllewin Clwyd\)](#)**

Dileu pwyntiau 2 a 4 ac ailrifo'n unol â hynny.

## **Gwelliant 2 – [Darren Millar \(Gorllewin Clwyd\)](#)**

Ychwanegu pwynt newydd ar ddiwedd y cynnig:

Yn nodi bod Llywodraethau olynol y DU wedi cyfathrebu gyda menywod yr effeithiwyd arnynt ers y newidiadau i oedran pensiwn menywod ers Deddf Pensiynau 1995 a Deddf Pensiynau 2007 a bod ymgynghoriad cyhoeddus a dadleuon helaeth wedi cael eu cynnal yn y Senedd o ran cynnydd ychwanegol i oedran pensiwn y wladwriaeth yn 2011.

['Deddf Pensiynau 1995'](#) (Saesneg yn unig)

['Deddf Pensiynau 2007'](#) (Saesneg yn unig)

## **10 Cyfnod pleidleisio**

### **11 Dadl Fer**

(30 munud)

#### **NDM6997 [Paul Davies \(Preseli Sir Benfro\)](#)**

Brwydro dros Wasanaethau'r Dyfodol – yr achos dros warchod gwasanaethau yn ysbyty Llwynhelyg.

Cynhelir Cyfarfod Llawn nesaf y Cynulliad am 13.30, Dydd Mawrth, 26 Mawrth  
2019